



Broj: 07/2-14-1565/19
Vogošća, 10.09.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 10.09.2019. godine donio je

ODLUKU O PONIŠTENJU POSTUPKA JAVNE NABAVKE I UGRADNJE GRIJAČA ZA OLUKE NA ZGRADI OPĆINE VOGOŠĆA

Član 1.

Poništava se Otvoreni postupak nabavke i ugradnje grijača za oluke na zgradi Općine Vogošća broj: 07/2-14-1565/19, jer primljena ponuda nije prihvatljiva.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 22.08.2019. godine donio Odluku o pokretanju Otvorenog postupka nabavke radova na nabavci i ugradnji grijača za oluke na zgradi Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 23.08.2019. godine pod brojem: 1353-1-3-176-3-129/19.

Sažetak Obavještenja o nabavci objavljen je u "Službenom glasniku BiH" broj: 59/19 od 30.08.2019. godine.

Tendersku dokumentaciju sa Portala javnih nabavki BiH je preuzelo 6 (šest) ponuđača. Krajnji rok za dostavu ponuda bio je 09.09.2019. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 09.09.2019. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Deling" d.o.o. Sarajevo, broj int. knjige 230/19, sa ponuđenom ukupnom cijenom nabavke u iznosu od 8.922,50 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 07/2-14-1565/19 iz augusta 2019. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Deling" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 8.1.4.TD je propisano da se Ponuda izrađuje na način da čini cjelinu i mora biti napisana neizbrisivom tintom. Ispravke u ponudi moraju biti izrađene na način da su vidljive i potvrđene potpisom ponuđača, uz navođenje datuma ispravke. Svi listovi ponude moraju biti čvrsto uvezani na način da se onemogućí naknadno vađenje ili umetanje listova, osim garantnih dokumenata.

Ponuđač "Deling" d.o.o. Sarajevo nije dostavio ponudu na naprijed propisani način, tj. dostavljena ponuda je spojena heftaricom na tri mjesta, dakle ista nije čvrsto uvezana, a što prema mišljenju iznesenom u Rješenju Ureda za razmatranje žalbi BiH-Filijala Mostar broj: JN2-03-07-1-929-8/19 od 23.05.2019. godine ne predstavlja čvrsto uvezivanje, na način da se onemogućí naknadno vađenje ili umetanje listova, propisano članom 58. stav 2. Zakona o javnim nabavkama BiH i članom 8. stav 2. Uputstva za pripremu modela tenderske dokumentacije i ponuda.

U skladu sa prethodno navedenim mišljenjem Ureda za razmatranje žalbi BiH-Filijala Mostar pod čvrstim uvezom podrazumjeva se ponuda ukoričena u knjigu ili ponuda osigurana jamstvenikom.

O naprijed navedenom je također zauzeo stav i Sud Bosne i Hercegovine u Presudi broj: S1 3 U 021191 16 U od 08.08.2017. godine.

- Tačkom 8.3.1.TD je propisano da se Ponuda dostavlja u originalu i jednoj kopiji, na kojima će čitko pisati "ORIGINAL PONUDE" i "KOPIJA PONUDE". Kopija ponude sadrži sva dokumenta koja sadrži i original. U slučaju razlike između originala i kopije ponude, vjerodostojan je original ponude. Kopija ponude se dostavlja zajedno sa originalom u jednoj koverti ili u dvije odvojene koverta koje su opet upakovane u jednu zajedničku kovertu ili paket.

Ponuđač "Deling" d.o.o. Sarajevo je u svojoj ponudi uz original ponude propustio da dostavi kopiju ponude, te je na taj način postupio suprotno jasno postavljenom zahtjevu ugovornog organa iz TD.

- Tačkom 7.2.1. TD, a u skladu sa članom 46. Zakona traženo je da ponuđači moraju biti registrovani za obavljanje djelatnosti koja je predmet javne nabavke. U svrhu dokazivanja profesionalne sposobnosti ponuđači su bili dužni u ponudi dostaviti dokaz o registraciji u odgovarajućem profesionalnom ili drugom registru u zemlji u kojoj su registrovani ili da obezbjede posebnu izjavu ili potvrdu nadležnog organa kojom se dokazuje njihovo pravo da obavljaju profesionalnu djelatnost, koja je u vezi sa predmetom nabavke, uz napomenu da dokazi koji se dostavljaju moraju biti originali ili ovjerene kopije.

Ponuđač "Deling" d.o.o. Sarajevo je u svojoj Ponudi (strana 10/1-10/2 Ponude) kao dokaz za obavljanje profesionalne djelatnosti dostavio ovjerenu kopiju Aktuelnog izvoda iz sudskog registra od 05.12.2018. godine.

Komisija za javne nabavke smatra da dostavljena ovjerena kopija Aktuelnog izvoda iz sudskog registra nije ovjerena od strane nadležnog organa na ispravan način. Naime, ovjerena je samo zadnja strana Izvoda, a obzirom da se isti sastoji od više stranica, bilo je potrebno ovjeriti svaku stranicu Izvoda pojedinačno-između stranica, a prema zvaničnom mišljenju datom u Rješenju Ureda za razmatranje žalbi BiH-Podružnica Mostar broj: JN2-03-07-1-729-8/17 od 24.08.2017. godine.

Također, Komisija za javne nabavke smatra problematičnim činjenicu da se priloženi Aktuelni izvod iz sudskog registra sastoji od 4 (četiri) stranice, dok je Služba za opću upravu Općine Vogošća ovjeravajući predmetnu kopiju dokumenta na pečatu ovjere naznačila da se isti sastoji od 1 (jedne) stranice, što je direktno utjecalo na formalno-pravnu ispravnost dostavljenog dokumenta.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, a postupajući u skladu sa odredbama člana 68. Zakona o javnim nabavkama BiH, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke radova na nabavci i ugradnji grijača za oluke na zgradi Općine Vogošća, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Deling" d.o.o. Sarajevo
2. Nadležnoj Službi
3. U dosije
4. a/a

033/481-350



OPĆINSKI NAČELNIK

Edin Smajić